

Evelino Fingal ta splica:

INSTITUTO DI CULTURA TRAHANDO "MINUUT RIBA MINUUT" PA REALIZA DIFERENTE PROYECTO

ORANJESTAD (AAN) -- Instituto di Cultura ta basta activo, despues cu e edificio a worde restaura, aunque ainda nan no por conta cu e edificio completo pa nan diferente actividad y proyecto ya Museo Arqueologico tambe a bay temporalmente aden, tanten cu drecha e edificio na Zoutmanstraat of cu Edificio Ecury keda cla, cual lo ta e destinacion final pa nos Museo.

DIARIO a acerca Evelino Fingal, Director, pa haya sa kico tin di nobo na Instituto di Cultura, y tambe na Museo Arqueologico, y con tur dos hunto ta bay funciona awor.

"Awor nos ta pasando den un tiki dolor di cabes ya cu tanto Instituto como Museo Arqueologico ta hunto, ya cu

museo a move bin akiden", el a bisa.

Manera ta conoci edificio di Museo Arqueologico ta bastante deteriora y tambe e edificio mester worde drecha.

"Museo Arqueologico mester ocupa e salanan di exposicion di Instituto di Cultura, loke a pone nos cambia e plannan cu nos tabata tin pa cu diferente exposicion; pero nos ta lorando poco poco, aunque naturalmente ta lamentable cu nos no a haya full e edificio pa nos".

Evelino Fingal no tin un fecha fiho pa e situacion aki lo normaliza, es decir, ora cu e restauracion di e edificio di Museo Arqueologico bin cla, aunque e ta kere cu esey ta bay tuma di 6 pa 8 luna di tempo.

Sinembargo e plannan ta pa muda Museo Arqueologico na Edificio Ecury, loke posiblemente ta bay por lo menos dos aña mas, pues pa drecha y adapta dicho edificio na e necesidadnan di e museo.

Loke Evelino no sa exactamente ta si e intencion ta pa Museo move na e edificio na Zoutmanstraat y despues move atrobe pa Ecury, of si mester warda te ora Cas Ecury keda cla. Evelino mes ta haya cu mudamento cada vez ta un trabao tremendo cu no ta "nada dushi".

"Apesar cu e trabao tabata masha grandi mes tur cos a bay bon y tur pieza di Museo Arqueologico a yega aki intacto, y aworaki nos ta bezig cu e deposito cu ta practicamente cla y identifica cu

number, etc. Esey ta full monta caba, y nos ta cla cu e plan di exposicion".

Evelino Fingal ta sigui bisa cu no solamente e espacio cu nan a haya aworaki ta mucho mas chiquito pero tambe ta otro tipo di espacio. Nan mester calcula con pa distribui e na un forma mas bunita y interesante posible, pa sigui e historia y informacion cu Museo kier duna.

"No ta solamente cuestion di pone algun vitrina cu algun pieza den dje y cla", Evelino Fingal ta señalá.

INTERES DI SCHOOL: Evelino Fingal ta indica cu tin varios school cu a haci palabracion caba cu rond di 15 di Maart nan lo kier a bishita Museo Arqueologico en relacion cu cierto proyectonan cu nan ta haciendo, y como cu schoolnan ta parti di e publico cu Museo ta duna servicio, aworaki tur esfuerzo

ta worde haci, pa monta e exposicion pa e fecha indica pa por cuminsa ricibi maestro y studiantenan atrobe.


MAS ACTIVIDAD: Instituto di Cultura, entre otro actividadnan cu tin pensa, lo tin planea un exposicion pa dia di Himno y Bandera, esta, 18 di Maart, cual ta bay tuma lugar den e capel, ya cu pa motibonan expone ariba, no ta keda otro na Instituto cu usa e capel pa haci exposicionnan. DIARIO lo amplia mas informacion riba esey den e siman aki.

Tambe na cuminzamento di April lo presenta un exposicion interesantisimo di obranan di arte traha di glas. Ta trata aki di un exhibicion di artistanan hulandes y di otro paisnan di Europa.

Un di e artistanan ta miembro di e hopi conoci Grupo Cobra, di e tempo di Karel Apple, cu ta mundialmente conoci, mientras cu e otro participantenan tambe ta di un caliber hopi halto, loke ta bay haci di e exposicion aki algo hopi interesante mes.

Lo bin tambe exposicion di pintura local y internacional cu ta programa pa e transcurso di aña.

"Nos ta trahando minuut riba minuut pasobra tur cos a cay preta riba otro pa motivo di mudamento, pero pronto nos lo ta den full swing atrobe". Evelino Fingal a expresa finalmente.




Simplemente e Michá

Campeon
di luna
FEBRUARI

Roland Farro - Dealer

E persona aki ta un ehempel di e calidad cu Crystal ta ofrece su clientela.

Como "Campeon di Luna" e ta representa e servicio, excelencia y amabilidad cu ta haci Crystal Casino, "SIMPLEMENTE E MIHÓ".



L.G. Smith Boulevard - Seaport Village, Aruba

Pizza Hut.

CUARESMA SPECIAL

PIZZA

DI BAKIJOW

TUR DIA !!!!

TEL: 21818 SASAKIWEG

TEL: 39969 STRADA

DIARIO

**E matutino nr.1 di Aruba
TIN MESTER PA JOIN
E TEAM DINAMICO Y ACTIVO**

Un persona pa traha como

FOTOGRAFO

Exigencianan:

- Tin conocimiento di fotografia
- Propio transportacion
- Traha independiente
- Conocimiento general di noticianan actual

Nos ta afrece:

- Un bon ambiente di trabao
- Oportunidad pa progresa
- Bon salario

Acudi personalmente durante oranan di oficina na Diario Engelandstraat #29